



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XXIII. Variæ ordinationes pro extractione, custodia, & distributione
Reliquiarum.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1671.

Confirmat literas Urbani VIII. & Alexand. VII. quod prater Legatos, Vicelegatos, & Archiepiscopos nemo sit immunis ab impositionibus, quae in ingressu d. Civitatis solvantur.

Decretum irritans.

Contrariis derogat.

Fides transumptorum.

Edit. die 6. Nov. 1671.

XXIII.

Nunc primū impressa.

Exordium.

Sancti Michaelis dictae Civitatis de praesenti vacans per Consilium praedictum nominatus, seu praesentatus reperitur, si idonei fuerint, ad officia hujusmodi admitti, seu in illis institui, solitasque provisionem literas ad eorum favorem respective expediri mandamus.

§. 4. Postremo fel. rec. Urbani PP. VIII. praedecessoris nostri anno 1643. expeditas, aliasque Romanorum Pontificum praedecessorum pariter nostrorum in simili forma Brevis literas a rec. mem. Alexandro PP. VIII. etiam praedecessore nostro per Chirographum die 19. Februarii 1663. emanatum continetas quoad illum articulum, quo disponitur, quod in dicta Civitate prater Legatos, Vice-Legatos, & Archiepiscopos Avenionen., ac Praefectos Generales Armorum ibidem pro tempore existentes, nemo ab oneribus, & cuiusvis generis impositionibus, quae in ingressu dictae Civitatis solvantur, immunis, seu exemptus existat, auctoritate praefata, eorumdem tenore praesentium confirmamus pariter, & approbamus.

§. 5. Decernentes ipsas praesentes literas semper firmas, validas, & efficaces existere, & fore, suoque plenarios, & integros effectus fortiri, & obtinere, ac illis, ad quos spectat, & pro tempore quancumque spectabit, in omnibus, & per omnia plenissime suffragari, & ab illis respective inviolabiliter observari. Sicque, & non alias in praemissis per quoscumque Judices ordinarios, & delegatos, etiam Caesarum Palatii Apostolici Auditores, ac S. R. E. Camerarium, & alios Cardinales etiam de Latere Legatos, eorumque Vice-Legatos, necnon Camerae nostrae Apostolicae Praesidentes Clericos, aliosque Officiales, & Ministros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & ordinationibus Apostolicis, ac quatenus opus sit dictae Civitatis, aliisque quibusvis etiam juramento, confirmatione Apostolica roboratis statutis, & consuetudinibus, privilegiis quoque indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 7. Volumus autem, ut eorumdem praesentium literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis eadem prorsus fides in iudicio, & extra illud adhibeatur, quae adhiberetur ipsis praesentibus, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 6. Novembris 1671. Pontificatus nostri anno Secundo.

I. G. Slusius.

Registrata in Secr. Brevis in lib. mensis Novembris. par. 2. fol. 80.

Diversae Ordinationes circa extractionem Reliquiarum ex Coemeteriis Urbis, & Locorum circumvicinorum, illarumque custodiam, & distributionem.

CLEMENS PAPA X.

Ad futuram rei memoriam.

EX commissa Nobis caelitus cura pastoralis Officio providere volentes, ut Sanctorum Martyrum corpora, & reliquiae, pie, ac decenter,

& sine turpi quaestu ex hujus Almae Urbis Nostrae, & Locorum circumvicinorum Cameteriis extrahantur, recondantur, asserventur, ac fideliter, prudenterque distribuantur; de nonnullorum dilectorum filiorum Romanae Curiae Praelatorum, aliorumque doctrina, rerum usu, & prudentia praestantium virorum, qui rem jussu nostro mature discussurunt, & quorum sententia nobis a dilecto filio nostro Gasparo S. R. E. Presbytero Cardinale Carpineo nuncupato, in Urbe praefata Vicario in spiritualibus Generali, ac Prodatorio Nostro relata fuit, consilio, auctoritate Apostolica tenore praesentium praecipimus, & mandamus, ut nemo ad extrahendas a Coemeteriis praefatis reliquias accedat, nisi ejus rei facultatem habeat scripto, quod memorati Gasparis Cardinalis moderni, seu pro tempore existentis in eadem Urbe Vicarii in spiritualibus Generalis sigillo munitum, & illius manu subscriptum sit; nec ossa, vel corpus ullum sub poena excommunicationis latae sententiae effodiatur, & ex aliquo Coemeteriorum hujusmodi extrahatur aliter, quam coram Sacerdote per d. Gasparem Cardinalem modernum, seu pro tempore existentem Vicarium ad id designato, qui diligenter inquirat, & recognoscat locum, inscriptiones, eaque martyrii signa, quae certiora esse censuit Congregatio Venerabilium Fratrum Nostrorum ejusdem S. R. E. Cardinalium Indulgentiis, & sacris Reliquiis praeposita.

§. 1. Qua omni recognitione facta, statim singula corpora, & cuiuscumque Martyris Reliquias seorsum in capsulis recondat, quas sigillo clausas recta deferri curet ad Urbem, in Palatio Nostro asserendas, & a Venerabili Fratre Josepho Eufavio Episcopo Helenopolitano moderno, & pro tempore existente Sacarii Apostolici Praefecto, vel ab alio per praefatum Gasparem Cardinalem modernum, seu pro tempore existentem Vicarium designando, qui probatis moribus, ac Presbyteratus ordine insignitus sit, custodiendas.

§. 2. Haec autem Martyrum corpora, & reliquiae ne distribuantur, & publice ad cultum, & venerationem exponantur, antequam per dict. Gasparem Cardinalem modernum, seu pro tempore existentem Vicarium, vel alios, quibus haec cura demandata est, examinata, & examinata, ac Romani Pontificis, vel memoratae Cardinalium Congregationis auctoritate approbata, & approbate fuerint.

§. 3. Quoniam vero eadem Sacra corpora, & insignes Reliquias, videlicet caput, crus, brachium, & eam corporis partem in qua passus est Martyr, si tamen integra est, nec in privatis aedibus, neque apud laicos homines, sed in Ecclesia religiose collocari, & asservari par est. Ideo jubemus ea, & eas nemini in posterum concedi, qui Ordinarii literas non asserat, quibus apud praefatum Gasparem Cardinalem modernum, seu pro tempore existentem Vicarium commendetur Ecclesiae, pro qua petuntur dignitas, testatumque fiat operae pretium esse petitis Sanctorum Reliquiis Ecclesiam illam donari, & ibi futurum, ut ea, qua decet, religione custodiantur, & colantur.

§. 4. Excipiendos tamen volumus magnos Principes, & praecipuos Ecclesiae Praelatos, cum quibus liberalius agendum erit. Et ne ceterorum quoque fidelium pietas hoc Sancto munere omnino privetur, minus insignes Reliquiae illis concedentur.

§. 5. In omnibus autem modum servari jubemus, quoniam praecopia saepius accidit, ut sanctiora quaeque minus in pretio habeantur, quod maxime cavendum est. Conficiatur etiam liber, in quo sacra corpora, & reliquiae a Coemeteriis praedictis extractae adnotentur, tum nomina illorum, quibus reliquiae ipsae distributae, & Ecclesiarum, pro quibus impetratae fuerint. Porro qui ornant, & vendunt capsulas, thecas, & vasa, quibus reliquiae Sanctorum includuntur, reliquiis,

1672.

Mandat neminem accedere ad extrahendas a Coemeteriis Urbis, & locorum adjacentium reliquias, nisi de licentia Card. Vicarii pro tempore.

Excommunicatio latae sententiae adversus Contravenientes. SS. Reliquiae, seu Corpora extrahi debent coram Sacerdote per Cardinalem Vicarium pro tempore designato.

Officium hujus Sacerdotis. Extractae deferri debent ad Urbem in Palatio Apostolico prout in rubrica.

Custodiendae sunt a Praefecto Sacarii Apostolici pro tempore vel ab alio Sacerdote per Cardinalem Vicarium designato. Antequam distribuatur, & publice ad cultum exponatur quid ageadum sit.

Insignes reliquiae nec in privatis aedibus, nec apud laicos collocari, aut observari par est.

Qua caute la sint concedenda.

Cum Magnis Principibus, & Praelatis liberalius est agendum.

Aliis fidelibus minus insignes Reliquiae concedantur.

Liber in quo SS. Reliquiae, & Corpora a dd. Coemeteriis extracta anotentur, & nomina illorum, quibus ipsae distributae, ac Ecclesiarum pro quibus impetratae fuerint.



Pœna adven-
sus inscriben-
tes alia nomi-
na SS. Reli-
quii, quam
Card. Vicario
pro tempore
fuerint im-
posita.
Pro expensis,
& juxta mer-
cedem Ope-
rariorum
Card. Vicari-
us adhibeat
pecunias, &
elemosynas
piis operibus
applicandas.
Excommuni-
catio latæ
sententiæ ad-
versus recipi-
entes ali-
quid pro tra-
ditiōe SS.
Reliquiarum
quolibet ti-
tulo etiam a
sponte danti-
bus.
Decretum
irritans.

Contrariis
derogat.

Etiā habentibus
derogato-
rias deroga-
toriarum,
& specialem,
& indivi-
duam men-
tionem re-
quirentibus.

Transumpto-
rum fides.

Edit. 13. Jan.
1672.

alia ne adscribant nomina, nisi, quæ a dicto Gasparo Cardinale moderno, seu pro tempore existente Vicario imponentur, sub viginti quinque scutorum monetæ, aliisque pœnis ejusdem Vicarii arbitrio infligendis. Atque ut omnis tollatur occasio turpis quæstus iis, quorum operam, & ministerium in effodiendis, & extrahendis sacris corporibus: Idem Gaspar Cardinalis modernus, seu pro tempore existens Vicarius adhibebit, de pecuniis, & elemosynis, quæ piis operibus applicandæ forent, & de mandato ipsius Vicarii accipient quantum æquum fuerit pro expensis omnibus, & juxta eorum mercedem.

§. 6. Postremo sub excommunicationis latæ sententiæ pœna per transgressores ipso facto incurrenda districtè prohibemus, ne in tradendis sacris corporibus, & reliquiis, & pro consecratiōe literarum patentium desuper expediendarum, earumque sigillo, aliquid etiam modicum, ullo umquam prætextu, etiam a sponte dantibus, accipiatur.

§. 7. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obrinere, ac ab illis ad quos spectat, & pro tempore spectabit, in omnibus, & per omnia inviolabiliter observari. Sicque, & non aliter in præmissis per quoscumque Judices Ordinarios, & delegatos, etiam Causarum Palatii Apostolici Auditores, ac Sanctæ Romanæ Ecclesiæ præfata Cardinales, etiam de Latere Legatos, aliosve quoslibet quacumque præminentia, & potestate fungentes, & functuros, sublata eis, & eorum cuilibet aliter judicandi, & interpretandi facultate, & auctoritate judicari, & definire debere; ac irritum, & inane si secus super his a quoquam quavis auctoritate, scienter, vel ignoranter contigerit attentari.

§. 8. Non obstantibus Constitutionibus, & Ordinationibus Apostolicis, ac quatenus opus sit quarumvis Ecclesiarum, & Basilicarum, aliisque quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & literis Apostolicis, quibusvis personis & locis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, & alias quomodolibet in contrarium præmissorum concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque toris tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, insertis, specificatis, & servatis respective habentes, illis alias in suo robore permanentibus ad præmissorum effectum, hac vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

§. 9. Volumus autem, ut earundem præsentium literarum transumptis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique in judicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 13. Januarii 1672. Pontificatus nostri Anno Secundo.

I. G. Slusius.

Registrata in lib. Brevium mensis Januarii fol. 1. parte utraque.

Confirmatio Decretorum Sac. Congregationis Episcoporum, & Regularium favore totius Ordinis Minorum observantium S. Francisci circa elemosynas funerales, & funera Defunctorum, qui in eorum Ecclesiis sepulturam elegerint, scilicet, quod Parochi ab hæredibus dd. Defunctorum majorem elemosynam petere nequeant, quam percepissent, si in eorum Parochiali, vel alia Sæculari Ecclesia sepeliri voluissent, & quod tali casu functiones super Cadaveribus ad ipsos Regulares, non autem Parochos pertineant.

CLEMENS PAPA X.

Ad futuram rei memoriam.

Alias pro parte tunc existentis Commissarii Curie Fratrum Ordinis Minorum S. Francisci de observantia nuncupatorum, Congregationi tunc existentium S. R. E. Cardinalium negotiis, & Consultationibus Episcoporum, & Regularium præpositorum supplicato, ut prohiberetur Parochis, & Clericis Terræ de Geverano Brundisinae Diocesis, omnibusque aliis Parochis, & Presbyteris, ne auderent accipere majorem elemosynam pro Defunctis, qui sepelirentur in Ecclesiis dd. Fratrum, quam accipiebant pro iis qui in ipsorum Parochorum, seu Presbyterorum Sæcularium Ecclesiis sepeliebantur: Emanavit die 7. Decembris 1640. ab eadem Congregatione Decretum tenoris sequentis, videlicet -- *Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, ad tollendas indebitas exactiōnes, quæ, ut proponitur, in tumulandis Defunctorum corporibus fieri solent, censuit injungendum prout præsentis Decreti tenore injunxit Archiepiscopo Brundisino, cæterisque locorum Ordinariis, ne permittant, ut Parochi, aliique de Clero Sæculari majorem posthac elemosynam sibi attribui faciant ab hæredibus Defunctorum, qui in Ecclesiis Regularium prædictorum sepulturam sibi elegerint, quam percipere possent, si in Parochiali, seu alia ipsius Cleri Sæcularis Ecclesia sepeliri voluissent, contrariis quibuscumque non obstantibus &c. Romæ die 7. Decembris 1640. -- Ita reperitur in regesto authographo Sac. Congregationis negotiis, & consultationibus Episcoporum, & Regularium præpositæ. In quorum fidem &c. Romæ 31. Dec. 1671.*

C. d. V. Archiep. Athenar.

§. 1. Et subinde cum tunc existentes Fratres Provinciæ Dalmatiæ prædicti Ordinis Congregationi præfata exposuissent, functiones funerales Defunctorum, quorum Cadavera in eorum Ecclesiis sepulturæ mandarentur, facere, ad eos, non ad Parochos spectare. Congregatio præfata die 31. Augusti 1657. aliud Decretum edidit tenoris, qui sequitur, videlicet -- *Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, attentis narratis, juxta alias resoluta censuit, functiones funeralium super cadavera Defunctorum, quæ in Ecclesiis Regularium contigit sepeliri, postquam ad easdem Ecclesias pervenerint, ad ipsos Regulares, non ad Parochos pertinere, ac proinde ita in Oratorum Ecclesiis circa præmissa servandum esse, prout servari mandat, & precipit, contrariis quibuscumque non obstantibus. Rom. die 31. Aug. 1657. -- Ita reperitur in Regesto authographo Sac. Congregationis negotiis, & consultationibus Episcoporum, & Regularium præpositæ. In quorum fidem &c. Romæ 31. Decembris 1671.*

C. de V. Archiep. Athenar. &c.

§. 2. Cum

XXIV.
Hæc constit.
hic repetita
est, quod
amplior sit
contenta in
Tomo VI.
fol. 382.

Nunc pri-
mum impres-
sa.

Decretum
S. Congrega-
tionis Episc.
& Regular.
edit. die 7.
Dec. 1640.

Aliud Decre-
tum ejusdem
Sac. Congrega-
tionis die
31. Augusti
1657.